



Notat

Til: Rådmann

Kopi til:

Saksbehandler: Rådmann/Ann Kristin Bolstad

Vår referanse: 20/183 - 2 /

Dato: 11.05.2020

Emne: Spørsmål knytt til bruk av Vigilo

Spørsmål frå Kjartan Haugsnes, SV

1. Er det henta inn godkjenning til bruk av personopplysningar frå alle foreldre i kommunen sine barnehagar?
2. Om nokon ønskjer å reservera seg mot dette – er det mogleg?
3. Korleis fungerer Vigilo i høve kommunen sitt sak/arkivsystem? Korleis sikra rein at arkivverdig materiale vert teke vare?
4. I lys av «Vigilo skandalen» i Bergen – er ein trygg på at Vigilo OAS ikkje medfører risiko for deling av personopplysningar?

Svar:

Vigilo OAS er barnehagen sitt administrative verktøy for å handtera blant anna søknad/opptak om barnehageplass, fakturering og kommunikasjon. I personopplysningsloven kapittel 2, Artikkel 6. går det fram at barnehagen kan behandle personopplysningar som er naudsynt i forvaltninga av barnehageplassen til eit barn, deriblant også opplysningar om føresette.

Det er ikkje mogeleg å reservera seg mot å nytte Vigilo, då barnehagane må ha eit system for å administrera oppgåver. I kommunikasjon mellom barnehage og foreldre oppfordrar vi alle til å nytte Vigilo, men nokon foreldre foretrekker å nytte e-post, Messenger og andre kommunikasjonskanalar. Barnehagane svarar i den kanalen dei får spørsmål.

Når det gjeld arkivverdig materiale nyttar barnehagen seg pr. i dag av Websak. Det gjeld alle enkeltvedtak som gjeld spesialpedagogisk hjelp, tilrettelegging av barnehagetilbod, redusert foreldrebetaling m.m.. Arkivverdig materiale vert i sin heilskap sakshandsama i Websak i eigne barnemapper knytt til det enkelte barn. Det vert arbeida med arkivintegrasjon, men inntil Vigilo sine løysingar er føremålstenlege vil barnehagane i Vaksdal nytte Websak til sakshandsaming av arkivverdig materiale.

Vigilo skal integrerast med websak (det NOARK-baserte arkivsystemet vårt) via API/integrasjonsplattform som er sett opp av IKTNH og Vigilo. Det vert ei løysing kor dei arkivverdige dokumenta produserast i Vigilo for så å verte overførde til websak når dei får ein status ferdig/ekspedert el. i Vigilo. Kva som overførast er gått gjennom i prosjektfasen. Det har vore eit samarbeid mellom arkiv og barnehage for å beskrive kva dokumentasjon som skal takast vare på. Vigilo sine arkiv-overføringar er knytt til enkeltsaker (inngåande korrespondanse, utgåande korrespondanse og evt saksdokumentasjon/interne notat). Arkiveringstransaksjonane avleverast på standard format basert på GeoIntegrasjon (<http://geointegrasjon.no/>), som er en «de-factor» standard for enkle avleveringar frå fagsystem til NOARK-5 arkiv.

Vigilo OAS som system har tryggleiken på plass for at ein ikkje skal spreie personopplysningar til andre enn dei som skal sjå det, men det forutset at kommunane har rutiner på plass ved mellom anna vask av namnelister mot sentrale register. System kan aldri gardere seg mot brukarfeil. Vigilo har for å avhjelpe dette iverksatt ein del barrierer ved import av data. Foreldra legg ved søknad inn dei personopplysningne som vi treng for å kunne gje eit tilbod om barnehageplass. Tertialvis vert personopplysningane oppdatert opp mot Folkeregisteret. Vaksdal har laga eiga prosedyre for denne oppdateringa og vask av namnelister for å vera tryggar på at det ikkje medfører deling av personopplysningar slik Bergen opplevde.

Med helsing

Ann Kristin Bolstad
Kommunalsjef oppvekst